













L A

Protestation des

Villes & Communautez Catholiques
de ce Royaume de France.

*Contre la ligue faite
contre Henri 4.*

M. D. LXXXV.

Case

F

39

.326

THE NEWBERRY
LIBRARY

15856



PROTESTATION DE S Catholiques.

NOus, Que pour grandes & importantes causes, auons differé de signer la ligue ou association qui nous a souz couleur du mandement du Roy esté présentée, iusques à ce que plus amplemēt, & au vray foyōs asseurez & acertenez des causes suffisantes de son bon plaisir.

Auons protesté & protestons, & iurons sur nostre foy, noz armes, nostre salut, noz honneurs & noz vies, Que nous sommes & voulons estre fideles & loyaux seruiteurs de Dieu & du Roy nostre souuerañ Seigneur, croyans en la sainte Eglise catholique, Apostolique & Romaine. Et de ceste fidelité, croyance & seruice ne

voulons & n'entendons iamais de-
partir, pour perte, danger ou peine
de noz vies, biens & personnes, ne
mal qui nous en puisse aduenir, ius-
ques au dernier souſpir & goutte de
noſtre ſang, mais que nous trouuõs
en toutes ſacõs l'association & ligue
pretendue, & ſouz couleur de ſain-
cte protectiõ de ceſt eſtat, repos pu-
blic, & conſeruatiõ de la choſe pu-
blique, ſi ſuſpecte de captiõ & cir-
conuention au Roy, cõfuſion de ſon
eſtat, changement du Royaume, mu-
tation & introduction de nouueau
Prince & ſang eſtranger à la Courõ-
ne, ſeruitude de nobleſſe, oppreſſion
vniuerſelle de l'Egliſe, & du pauvre
peuple, troubles, ſeditiõs, guerres
plus que ciuiles, peſtes ſanglantes, &
cruautez plus horribles qu'elles ne
ont iamais eſté ſouz tyrans quelz-
conques. Que nous faiſons non ſeu-

lement doute, mais àuons frayeur & pluſtoſt horreur de la ſigner.

TENONS D'auantage que nous ne pouuons auoir aulcune forme de Foy, plus pure, entiere & inuiolable à Dieu, à la Sainte Eglise Catholique Apoſtolique & Romaine, que celle que nous auõs vouée & apportée des ſainctz fondz de Baptesme, & que nous auõs touſiours maintenue ſoubz l'autorité des ſaints Conciles & decretz, de noz Sainctz Peres Papes, & de noſtre Mere ſainte Eglise.

QVE La naturalité & fidelité en laquelle nous ſommes naiz, nourriz & conſacrez en noſtre prince, & Seigneur ſouuerain, ne peult & ne doit ſoubz pretexte que ce ſoit (ſans violer & attirer l'aſſurance du debuoir affection ou obligation des bons ſubiectz) receuoir aucun deſguiſement, nouuelle forme de ceremonies, ſer-

mens & aucunes telles suspectes & pernicieuses inuentions, à la maintenance & repos d'un estat.

QU'E nous prenons à presage tref-mostrueux & infortuné de luy raur son Sceptre & sa Couronne, de faire election priuee & vniuerselle soubz quelque apparence, tiltre, n'y autre que ce soit d'autre chef, que de luy, qui nous est naturellement, hereditairement & tref-heureusement ordonné par la grace diuine.

QU'E comme aucun ne doit vsurper le patrimoine Royal, aussi sa maison, ne doibt souffrir que aucun s'investisse de sa gloire, de son Rang, & de son office à l'instigation & inuétion, d'autrui, sinõ que de son pur mouuemēt, & par deliberation meure de son Cõseil, il declare pour cause vrgente, un lieutenant general ou particulier, s'employāt en ce que se-

roit requis de sa presence, ce qui ne se
doit aucunement faire à l'Electiō
& arbitre d'une multitude, pour le
grand danger qu'il y a, non plus qu'à
l'Electiō d'un chef qui luy aggréera,
elle passe outre aussi à transferer la
principalle puissance pour en des-
pouiller le vray possesseur, comme
elle se monstrea ambitieuse à luy
subroger vng chef à sa poste.

Que nous trouuons estre vne te-
merité trop irreguliere, & vne har-
diessse trop suspecte d'auoir, il ya lōg
temps brigué & conspiré, par procu-
ratiō, menees, & sollicitatiōs priuées
& particulieres, les sermens & feings
d'une telle associatiō, laquelle n'a
point esté deliberée dans le Conseil
du Roy, ny authorisee de sa maiesté,
n'y d'aucune de ses Courts de Parle-
mens.

Qv'il n'y pouuoit auoir d'aucu-

ne raison que d'imprudence, que de dire que le Roy l'eust ainsi consenty & procuré par soubz main, auant que manifester sa volonté, car cela luy seroit tollir le sens, la prudence, la dignité, l'honneur, la capacité, & la raison & reputation, cōme à la verité ce n'est aucune chose que de le degrader d'administration, & souveraine puissance, & qui pis est le deicter bien loin, de l'amour, reuerence & bonne opinion de son peuple, car vn seul traict de sa voix royale, & paternel eust plus vaincu de cœurs à vne fois, que tous les artifices & machinations du monde.

Nous voyons clairement (qui ne le verroit s'il a quelque estincelle de iugement) que ce qui debuoit maintenir la tranquillité de l'Eglise & faire cesser les Orages qui font peu à peu, submerger la nacelle saint Pier

re, que ce qui deuoit faire respirer la Noblesse, & qui deuoit le sang & la vie au pauvre peuple, ce qui deuoit terrible liberté du Roy, d'vng deshonneste & mal-heureux ioug de debtes & acquitter sa conscience & son Patrimoine, & ce qui deuoit mettre son Royaume en son premier lustre & florissant pouuoir, c'estoit la Paix. C'estoit la bride & contêtement de tous les subiects du Roy, & vne amiable & pacifique conuersation. C'estoit vn soing de refformer les deprauations & desbanches publiques, qui sont à tous ordres & Estatz vn reiglement & institution d'vne honneste Oeconomye & sage dispensation, par laquelle la dignité des anciennes familles eust esté conseruee à l'aduantage du seruice de sa Maiesté. C'estoit d'auoir pitié de la misere extreme en laquelle languist & meurt le pauvre

peuple tant oppressé.

O R nous voyons à nostre tres-grand regret tout contraire au lieu d'une seureté pretendüe violer toute société humaine & toute diuine concorde. Nous voyons à l'appetit d'une ambition ce pauvre estat s'en aller les pieds contre-mont. Nous voyons Mars sanglant avec les armes & flammes penetrer iusques en noz entrailles, & s'aduancer à saccager le reste de ce Royaume. Nous voyons le pere iurer la mort du fils, le frere du frere, l'amy de l'amy: Nous voyons preparer les Concitoyens à se baigner au sang les vns des autres. Nous voyons fourrager & despouiller l'Eglise sous ombre de la maintenir. Nous voyons armer la Noblesse à sa propre ruyne. Nous voyons des-peupler les Prouinces d'hommes & de soldatz, destituer la Republique de toutes forces, & la

ietter à la proye de toute barbarie
eſtrangere. Nous voyons ioüer au
Roy deſpouillé, nous en ſouſpirons.
Mais neantmoins n'oſons bonnemēt
reſpirer. Ces choſes ſont ſi claires que
on ne les peut tergiuerſer, nul opinia
ſtre ne peult deſſendre le contraire,
& nulle malice les deſguiſer, ſi elle ne
vient de mauuaife conſcience, il faut
aduouër qu'elles procedent de ſenſ
aueuglé & occupé de fureur, qui eſt
vne iuſte punition de noz demerites.

Que nous reſte il plus? ſinon d'at
tendre que Dieu décoche ſur noz te
ſtes les derniers traictz de ſa iuſtice
& vengeance diuine, que toutes loix,
polices, ſainctetez, & tout ordre ced
de à la rage du furieux ſoldat que
voyons piller & prophaner. Toutes
choſes deſchirer noz entrailles & noz
ſubſtances, & maſſacrer noz enfans,
noz parens, noz amys, violer les vier-

ges, & és anciennes inscriptions ne
trouuer tiltre de Iustice.

O Tygresse & brutale cruauté ! la-
quelle on ne peut euitier au progres
d'une si barbare entreprinse.

Nous protestons donc derechef de
ne nous souiller ny approcher en riē
d'une si pernicieuse & sanglāte socie-
té, violence de Paix, sedition manife-
ste, conflagration vniuerselle de la
Patrie, ruyne des Francois, si par for-
ce & inquieté lon nous y veut mener
& contraindre : Nous appellons de
la iustice & equité de nostre cause,
deuant la Maiesté du Roy, Conseil
de ses pl⁹ sages & loyaux seruiteurs.
Et au reffus de ce pour la violence
des ennemys du repos public : Nous
appellons au sainct & non precipité
iugement des Potentatz & Princes
estrangers, lesquels pourroient sans
passion iuger de la loyauté & sain-

Eteté de noz consciences affection & service. I V R A N S & promettans par tout ce que nous tenons de sacré & inuiolable au monde, de ne nous dessemparer iamais de la Foy, subiectiō & obeyssance legitime & naturelle, que nous recognoissons deuoir à nostre Seigneur. Et que nous voüons à la conseruation & deffence de sa Maieité, Couronne, & puissance.

Supplians sa bonté en toute humilité & respect, qu'il nous est possible, qu'il luy plaise deuât que laisser reschapper vn si irreuocable Traicté: sequestrer toutes importunitéz, applaudissemens, illusions & desguisemens, qui le peuuent plonger & perdre avec ses pauures subiects en vn gouffre irremediable. Poiser encores vn coup avec vn tres-meur, & non passionné Conseil à cest affaire de derniere importance.

CE que Dieu, sa sacree dignité, sa
renommee, son deuoir, la misere de
son peuple desolè & accablé. Tous
les bons le requierent, crient & atten-
dent de luy. Et n'assouuisse la furie
d'autrui, à la ruine de l'Eglise, au
sang de la Noblesse, & extermination
de son peuple, qui sont ses forces, &
son vniue bien enuers Dieu, son bras
dextre, & le fondement de ses execu-
tions. Ce faisant nous esperons qu'il
viura longuement Roy heureux, pa-
cifique & inuincible, l'Eglise en sa
dignité, la Noblesse en sa splendeur,
& le peuple en prieres, benedictions
& vœux pour sa prosperité & santé.

Ainsi soit-il.



1875







